

四庫全書

集部

欽定四庫全書

御製詩三集卷八十六

古今體一百十四首

庚寅二

偶觀張說李泌賦方圓動靜因以五經義旨演繹

成辭

方若大地圓若高天動若坤闢靜若乾專

右易

方若湯武圓若堯舜動若於變靜若哲濬

右書

方若國風圓若雅頌動若物感靜若古諷

右詩

方若禮立圓若樂隨動若安民靜若儼思

右禮記

方若抑霸圓若尊王動若無違靜若有常

右春秋

詠痕都斯坦荷葉杯

痕都斯坦玉杯一圓楢作荷葉形跗有蒂曲柄環
之旁出艾葉二達於杯脣卷其上可執瑩薄如紙
惟彼中匠能之內地玉工謝弗及也

四疊團荷葉雙牽長艾枝製非出華夏巧實勝般倭撫
處不留手琢時那構思旅藝垂法語三復畧慙斯

太白山歌題王蒙畫卷

曾讀昌黎作太白山高三百里又憶子美句青鞵布鞵
從此始詩人往往為豪遊興屬雲霞氣薄秋如彼所為

未可效祇餘名蹟置案頭壯哉王蒙太白圖鬱蔥崢嶸
有是乎一覽不啻登鳥道直與顥氣相吸呼秀鍾金星
切是昊巖巒既雄復窈窕洪荒以來冰雪存故知絕頂
無凡草蒼松丹榭紛轆轤萬派流泉奔澗活橋通林豁
出梵宮千古高僧閱衣鉢層峯截薛怪石磷皓然雪積
荷葉皺是宜白足脩淨業乃見松下排衙人作者之意
弗易揣曰為左巷去聲僧號見卷後僧宗初識語特圖此左巷山樵兩
不知雲煙過眼而已矣

庚寅春帖子

四時卒始日八舉發生辰條達東風應和敷萬國均
農祥叶晨正炎海值銷兵明明杓斡角嚙嚙物由庚
宮殿曉開初旭麗孫曾躬率綵衣彬五辛盤與宜春帖
都向

慈寧獻壽陳

竹玉如意

和闐玉石子竹柄取天然廉節德原合指揮語代傳無

須助談雅底藉習枯禪如意予何祝屢豐綏萬連

立春日恭奉

皇太后幸圓明園即景得句

京兆春山進法宮一年農計忖量中

立春日順天府例進春山寶座於乾

清宮閱受之其春牛芒神並按歲德干支及納音準五行配色為制以備農占

安輿奉駕辰逢吉御苑承

歡景漸融千頃麥田看積雪兩行柳陌颺條風皇州氣

象由來好薄海吾民可盡同

題主善齋

阿衡稱主善善長

上聲

實惟元四德仁為首四序春為先

主善義具該協一尤探原欲從嗟末由對時勉體乾

含芳書屋

初韶時節發青陽乘氣臨芳語衆芳一往何須太酣放
由來含者趣偏長

挹泉榭

冰池無波瀾石泉弗凍凝愛此常披練勝彼平鋪鏡小

榭構其上偶來慙吟凭動中靜恒存去而來遞應詎惟
供暢目實曰足怡性

敦素堂

樸素由來志所敦循名未免惡文軒即看綵勝華鏤綴
豈是語云行顧言

鶴安齋

鶴雖放去而亦時來觸景會心因以成什

夙有胎仙伴無過綴景看非關稻粱省欲使翥翔歡仍

此空庭下由他碧宇寬
開籠放去者真覺性相安

恒春圃

縵轉竹籬斜因之延步
賒四時皆得趣無日不看花
避去風難妬照來月有華
體元值春俶與物荷麻嘉

澹然書屋戲題

把筆還停一笑旋恐妨
書屋後言傳每來輒復有
題詠識得心中未澹然

時賞齋

一氣貞元運四時景物餘載陽方照
嫗初旭正溫暾固曰賞隨遇亦思治
有源助萌貽漢詔絜矩勉心存

奉

皇太后觀燈即席得句

東陸春新立中霄月上弦

觀燈迎望夕行慶趨齋前禮以家人重

養惟天下全並隆雖在敬祇益惜華年

齋戒進宮西直門外作

昨日幸御園諏吉奉

慈輦今朝還法宮

祈穀欽齋典輕輿曉不寒
攝提貞孟轉村田多積玉
宿麥苗微辨惟塵農彼勞
敢云兆茲善

齋居即事

齋以敬為要穆如謹視聞
雖逢政斯簡猶恐志微紛
窓紙移曦影鑪香裊篆紋
撫時方出震惕若作之君

讀史記大宛傳

大宛之跡見張騫去漢萬里俗耕田多善馬號天馬子屬邑七十餘城焉遷僅耳聞非目覩以今證古多訛傳

哈薩克或康居是

舊傳哈薩克為古大宛向已辨其非今考哈薩克不但無城郭與大宛異

且其地當準噶爾西北兩面準噶爾為漢烏孫證以漢書烏孫西北與康居接之文則今哈薩克當為古康居也

大宛則實安集延

安集延地控蔥嶺其東與布魯特錯處漢書稱休循出蔥嶺西捐毒

與蔥嶺屬西北皆當大宛按休循捐毒本塞種無城郭當即今布魯特又西北為安集延諸部皆有城郭土著與史記所言相合

自當為古大宛地

善馬率出哈薩克伊犁來鬻歲數千

哈薩克每歲驅馬數千至伊犁以內地綢緞易之價廉而多得良馬詳見舊作反白居易陰山道樂府詩註

安集延雖亦有馬素乏良騎來天閑且哈薩克無城郭
安集延原村落連昔之大宛今鮮馬今哈薩克非大宛
彼其漢事尚謬記何況異域懸天邊皇輿西域輯圖志
一一徵實登諸篇但考古即誤於古平定準部四部以
後分命大臣駐守
其道里土俗衆皆熟悉且曾遣使測量是以皇輿西域
圖志所載悉由核實惟考古仍不能不資史漢諸書而
遷固輩記中國事尚不免失誣其言異域必更斯之未
傳訛習誕今雖據為考證恐所訂究不足信耳

信吾殷然

董邦達做李宗成輞川雪意

宗成蹟縱見猶未

內府無此圖

摩詰法誠傳不非

石渠寶笈有董其昌

藏王維雪溪圖

一晌惘然題七字斯人畫亦自今希

詠痕都斯坦玉盤

崑嶠產瑤琳泰蒙每獻琛
薄來雖厚往不寶惡攸箴
跼鄂承還疊英華燦且沈
錦囊珍什襲可復憶雲岑

詣齋宮作

詣

壇齋宿致精誠大駕歲
黜出鳳城三市九遠真富庶
於

中每塵返淳情

皇乾殿聳紫微垣翡翠窓輝曉日曛

五世祖宗恒侑座衷忱一脈共顯

恩

古柏根培雪色滋春雲又見遠天垂如誠再霈誠深慶
不敢期然敢願之

祈穀禮成述事

春立方為節應正

是月初九
日始立春

祈農典合次辛行金穰修

祀日逢郊震德乘時歲納庚願提

照臨有明命由來呼吸可通誠去年曾是希

鴻佑

去年正值出師定緬奉祀時曾竭誠默告佐我軍行

果格朱波績底成

還御園恭問

皇太后安遂奉觀煙火

輕輿速為問

安廻依例今朝煙火開

每歲以正月十三日放煙火為始至十九日收燈

西苑

恰欣承

慶始

山高水長樓在園西其
外苑園寬敞宜陳火戲

南郊甫是受釐來碧空幾

平聲

望月流朗銀野餘膏雪積

皚却對春陰仍冀澤笑予知足幾

上聲

曾哉

戲題抱樸草堂

素几明窓偶攬憑草堂頗亦綴綾鐙如從名實相衡量
半得相應半不應

澹然書屋即目

對水既澹然對冰亦澹然水冰二而一吾猶致疑焉當其為冰時是冰非水爰當其為水時是水非冰堅而冰不離水水豈非冰緣空色及大小視此無殊詮是故足澄懷即目因成篇

芥舟

凍合池冰近砌坳置舟杯芥總須膠何如悟取華嚴旨極大須彌箇裏包

題養素書屋

詎緣養素尚高清返樸還淳義寓精奉若便因窺粵宛
冬藏之後始春生

再題多稼軒十景

多稼軒

底識祈年

聖意殷軒名多稼仰

奎文隨齋耕作及蠶織

近得程榮募樓瑋耕織圖真蹟藏之是軒卽和所書詩韻并原

圖勒石隨齋榮自號也

並弄軒中亦此勤

寸碧亭

小小假山聳碧嵒登臨亦自興無窮南華第二篇嘗讀
尺寸還如千里同

水精域

幾曲林塘便遠塵翳然水木若親人宋王孫筆常披玩
趙孟頫自號水晶宮道人到此疑他自寫真

靜香屋

精舍避風還向陽雖然近水了無涼盆梅幾朵纔舒蕊

此是舟中真靜香

觀稼軒

臺上敞軒無戶牖為因拾級便遐觀興鋤時節知還早
一以懶登一怯寒

釣魚磯

平鋪冰鏡滿春池那有文鱗水面披依舊內人竿綫候
笑他知例不知時

招鶴磴

長上聲翼翺翔得自由磴間駐步小淹留胎仙偶下還應

笑豈是林家張氏流

互妙樓

樓據半山山護樓煙雲映帶若相酬妙於動靜為根處
太極成篇義訓周

印月池

水亦為池冰亦池月輪印豈擇乎斯不波翻覺澄端正
却似枯禪入定時

濯鱗沼

載陽暖未十分融
臨沼休猜名付空
試向一層冰下看
文鱗依舊濯其中

上元前一日曲宴近親王等即席得句

曲宴園庭例近親
殊恩許厠懿藩臣

是日宴近親王暨皇子皇孫特命定

邊左副將軍超勇親王成袞札布及額駙色布騰巴爾珠爾拉旺多爾濟並得與列諸孫有子成

雙慶

綿德綿恩各有子尚襁抱

介弟同庚亦六旬

和親王今歲亦六旬矣

列

坐雅當笑語洽多儀
底用禮文彬如云
即景宜道古張

說詩佳首句陳

上元鐙詞

上正已是沐

天恩又見春雲佈上元最我祈年不知足祥花仍冀霽

稠繇

欣逢望夕度元宵

正月十五為上元然靈臺排日有置望於十六十七者今歲正值望夕故

云自有冰輪燭碧寥

古語云惟中秋月陰晴萬里皆同今夜雖逢陰雲想必有晴處也

熟見天方供樂舞更當滇海報兵銷

樓角何妨韜滿月樹頭且喜靜流風那無盼惜銀蟾者
人意有同有不同

西瀛北漠許同觀笑語聯茵禮數寬漫議侏離非古樂
鞦韆早是掌周官

廣場雜技閱從容條已高春落下春何礙蒼然來暮色
即看萬樹燦芙蓉

一點星星一縷煙千鐙萬炬片時燃觀餘熱鬧生清會
銘背金人意亦然

星流電繞知代月葉簇花霏解迫春苑外也聞鳴爆竹
煙村慶節許同民

大千世界放光明佳景真堪豫

懿情

萬歲三元恒此對七言八首又新成

微雪

正月十六日

半夜魚鱗薄元宵月故佳曉雲佈春宇微雪灑辰牌仰
察花霏牖俯觀土潤階須臾作還止不覺惜生懷

上元後一日小宴廷臣

廷臣例宴上元後繼節花鐙尚綴檐榆榮底惟肅旒冕
聯情亦欲洽堂廉枕浮寒具三簋黍盤貯水晶五色鹽
兩闕梨園供奉聽箴兼善頌正何嫌

開年一雪百祥探益善多多豈避貪目極遠天雲尚厚
心希今夜澤重覃縱橫漫擬張說磨去聲伏蕩誰懷蘇軾

柑雖是對時宜宴樂元臣獨繼隔滇南時征緬班師經畧大學士傳恒

行次滇
省會城

戲題張宏雪夜訪戴圖

造門便返率天真雪掩柴扉徑絕塵却惜剡溪戴安道
難堪屢訪古今人

詠文房四事

筆

毛穎中書代汗青懷提較便著元經散開縷縷都無用
輾合頭頭却有靈豈必趙毫方妙品空傳和壁失常形
結繩上古殊難復東下長江那得停

硯

筆出後方硯有資
瓦陶銀鑄是輪椎
割雲鏡玉遂紛矣
類月涵星屢幻之功
每不居純德具靜恒
為用永年宜
手惟一耳多何益
坡老名言可繹思

紙

敝布麻頭古剞製
後來側理意猶存
銷金鋪玉巧滋甚
踵事增華世可論
卷退放彌符易蘊
月將日就詠詩敦
吾惟圖易思艱切
白簡誰當進謹言

墨

與茶奚必較新陳用佐文房孰比倫歷歷千言照今古
超超六法顯精神喚卿呼子謂多事玩日愒時斯枉珍
磨盡思王才八斗依然研北此龍賓

文徵明姑蘇四景即用其韻

虎邱

突兀平川一阜蟠
豫遊曾記奉

慈顏遙瞻虔祝

福如海近指欣歌

壽似山清遠學仙成獨往祖龍求劍笑空還却憐選壁
題詩處應有蒙茸綠蘚斑

石湖

秀到石湖莫更加山翻翠影水涵花行春橋畔絲垂柳
磨嶼岡頭葉吐茶萬頃太湖望波渺上方淨域步蹊斜
堵坡阿那雲深處好在蓮龕佳薄伽伽在五歌以依其韻仍用之

天池

半巖乳竇浸山生，滙作天池數畝成。陡峽不期跳浪鯉，

落崖那數

上聲

聽春鶯爾時知。有良朋挈此日如陪勝賞，

并佳處祇宜公四海衡翁何事乃言爭。

文詩故園光景有誰爭似有私

為己有之意

天平

范園屏障玉峯堆

今天平山前有范家園南巡賜名高義

花作藩籬徑碧

苔為政設方萬笏拱

是處又名萬笏朝天為吳山十六景之一

如傷敢忘

去聲

兆民哀行時每憶春方半，小雨忽欣雲盡開。赤子追隨

近馬足展圖情似此重來

偶憶南巡時於杭州見一人十指爪皆長盈尺雖

章氏無能過也

見陳書

然彼婦人則可豈男子所

宜有耶因成是什鄙之

排籤十爪尺論

平聲

修衆裏擎持跽陌頭粉黛似矜無可

比鬚眉原具乃忘羞舉匙把筆胥艱致雖鶴與鷹未足
侔此事世間應絕少阿猷真箇在杭州

新春含經堂

琴薦墨壺鎮依舊松蕤梅馥又從新明牕指處日移影
淨几憑來書與親節景已過正月半今年忽是六旬人
英華含咀五經在欲藉昌黎一問津

思永齋

向陽階砌紐芽萌偶至書齋別緒情最是夔然思永處
恐因日久懈心生

虛明室

牕間糊玻璃據座便見外是緣屋中虛其明乃無礙可

悟明資虛非虛明則昧寧惟一室然萬理亦因會

開益軒

日麗風和鬯網軒芸編饜飫默予存即斯開卷益何在
亦曰為君難一言

淵映齋偶題

齋非近池構何以稱淵映詎曰漫與名亦惟別託興或
躍玩羲爻如臨凜詩敬頗有澄澈趣而無波瀾競月影
落空庭豈異琳塘淨

得趣書屋

書屋偶來便展書書中之趣得何如典謨訓誥言皆實
月露風雲詠總虛

豁如室

書室向虛明豁如真副名開門藝祖意霽月宋儒情窓
影梅橫馥階陽草豎萌一時吟五字心與物皆清

靜室口號

去不移時來不頻遲懨木座絕涓塵金仙無事如如坐

似此真稱靜室人

涵德書屋

修己涵養德踐行固已艱出治播淳風民涵德倍難即
境思題額鮮怡增絕顏豈不景悅目邇無花娛觀耽此
必忘彼戒哉凜冰淵

詠漢王延年珮

壁圍鄂琢刻玲瓏上有雙螭盤容容絛韜可佩裡六宗
三代法物玉府充文曰延年延喜同果然閱世出土中

伊誰所用思無窮

題陳淳寫生花卉即用其韻

杏

放藥即看吐嫩葉着枝亦是不凡花
雪香漫自思庾嶺霞韻惟應認董家

海棠

韓約影疑特羞月輕盈態似不勝風
漫嫌子美無詩句性好去聲當知有異同

秋葵

自解向陽自不知幾曾咄咄煩言語山人本是厭紅塵

溥自稱白陽山人

何事丹心亦偶許

溥詩春花莫相笑丹心能自許

桂

夜月葉堪雕夜玉秋風花正放秋金樺香展卷芬撲鼻
祇在碧叢左右尋

山榛

渚邊石畔常相伴雪虐風饕豈為摧煉就丹砂奚比似

仙家啼永鼎初開

水仙

離騷經本羣芳譜底事名偏漏汨羅應是靈均有先見
後來吟詠正當多

和闐玉刻江城春曉圖歌

崑玉一片和闐來不中螭壺及犧壘琢為江城春曉圖
亦云製器要量材天然凹凸因其勢邱壑高下隨位置
江城依巘復俯川古寺野村樹陰翳樹陰布綠春方曉

疑聞間關鳴好鳥別有孤亭隱翠微欲尋幽徑殊窈窕
窈窕忽開瀉江流乘流誰下三峽舟不須張帆藉風力
似臨峻坂馳驂騶十日一水五日石豈啻其久費雕刻
王宰應教謝弗能門如可入林如立寶光精氣蔚鬱蒸
蒸為春雲山上凝便思膚寸作靈雨郊外即漸農功興

禱言

補藥助邪火尅藥傷元氣我雖不知醫其理實無二為
政詎殊斯一利伏一弊用人亦頗同兩全甚艱致才華

或損德忠厚弗解事恭己豈易言南面如何治

直隸總督楊廷璋奏報保定得雪

燈前微雪惜頻添保定其時四寸霑

正月十六日辰時京師微雪飄灑彌

望雲氣甚濃至十九日楊廷璋奏至保定優霑四寸

同是黃圖同赤子正欣被澤

正何嫌風來怪底寒增峭雲出猶然月隱尖釀勢究當
重霈好幾迴晴晦問更籤

題董其昌臨柳公權契帖

香光契帖倣誠懸一乃二之誰所然幸具董文仍在後

董其昌臨柳公權蘭亭全詩並綴自跋於卷末本為完好後不知誰何割裂以四言五言詩分為二卷置張照諸人跋於四言詩卷尾而董跋仍與五言詩相為附麗因詳加訂正通裒一卷俾還舊觀訝移張識反居前

高士奇陳元龍張照三跋割裂為二卷舉張以概其餘四言卷先獲故云前

無分可

識初無合得半欣於兩得全題什藝林傳盛事那能書

法悟離堅

見香光識語

內府藏董其昌真跡不下百數十種所臨柳公權蘭亭詩其一也裒集既多未暇悉為題品雖同入石渠上等亦第以尋常董跡視之茲復得其蘭亭詩臨本

憶與舊藏有相類者因出香光臨卷校之則舊卷乃臨蘭亭四言詩十一人並孫綽後序新卷臨五言詩十一人卷後董自有跋兩卷紙幅寬窄正同且與戲鴻堂帖所刻柳書首尾次序無弗脗合其為全臨通本而割為兩卷無疑即董自跋止辨此書非誠懸不能而深許其離堅合異之妙未嘗致歉於得半足為全卷左證又舊卷後有高士奇陳元龍張照三跋歷敘字卷流傳始末而不言其曾有缺佚且兩卷押縫

處士奇之竹窓照之張長卿二印上下相間無少叅
差可見卷在張照家尚為全璧不知何時析而為二
而以後三跋置前半卷尾此可怪也夫物之顯晦離
合固有定數二卷之離不知幾年使非前後並入內
府則亦無由終合乃余見而疑疑而校校而復合有
不知其然而然者豈墨池片楮亦默有司其契者乎
蓋凡人精神所聚必有不能泯沒者董此書殊自矜
貴諸人藏跋亦極為寶重諦視之果其用意之作精

神既注其不終於掩晦固宜鄉使兩卷不離則亦仍以尋常董跡視之豈暇為之詳悉審定是則因有昔日之離乃成今日之合為墨禪軒見董自跋增一因緣庸渠非是卷之幸耶既為訂易合袞並書以識異

題深寧堂

庭松傲冬綠階草向陽青又是對韶淑於焉愜性靈怡情逢輒戒得句寫還停民隱心常念深思所以寧

披襟樓

池上樓還陟上層披襟佳景得相應寧惟縱目了無礙
頗覺開懷與共澄棄暇雅欣伴芸帙當春亦自綴華鐙
何須冰水閒衡校總在光明鏡裏憑

養和室

交養由來內外通春和一室趣無窮便如九十韶光富
也在沖容醞釀中

寫鏡亭偶會

大小及妍媸一一寫鏡前而鏡弗設見因物呈其然心

胡不同斯以有我在焉誰信能忘我與之言道詮

對雲樓

底識蒼松迴出羣終無葉片落紛紛隔湖襟樹多突兀
鎮日樓窓對綠雲

明漪樓

重樓俯琳沼石基近水裔鳶魚玩几上波瀾挹牕際茲
來凍未消前趣姑且置動靜互為根春工況已試微風
冰鏡表覺有明漪意

琴趣軒口號

水清凍結亦冰清便是風來不作聲得趣設於琴上擬
恰如掛壁學淵明

題金廷標宮市圖

百物千奇一擔陳兒童爭買鬧紛紛忽燃爆竹擔頭擲
急煞叫呼街鬻人

題痕都斯坦玉杓

掌非周玉府攻自泰西瀛絕勝舒州杓何須力士鐺璞

原誤荆國蕊特艷昌城試問宜誰贈應調傳說羹

竹喜圖歌題陸治所畫

竹報平安鵲報喜是誰所圖乃陸氏引而未發無一詞
似待我歌挾其理綠筠不識復不知平安如是而已耳
鵲數有十噪相爭畫家義益別有指跳蕭勵翼目如椒
攫啄互施爪與觜若云喜實怒之對呼吸一伏必一起
爭而知已猶可言爭而不已難言矣世間欲求喜者多
盍從包山悟斯旨

新正萬壽山

節中行慶都無暇節後乘閒此一來苔面向陽纔作綠
樹根積雪尚餘皚風吹雲散山含朗閨勒冰堅湖未開
檐綴華鐙孤負賞中人惜耳我慙哉

玉瀾堂

置閨立春遲解風猶待試溪堂一憑牕昆明景又異詎
必憶流盪乍可觀純粹水深魚自安候寒雁未暨雖然
此堂中豈無玉瀾意

含新亭

萬物含新亭亦含東皇神運地天叅設如比似華嚴海
祇作尋常兒戲談

題雲松巢

童童衆松圍中有書軒在舊葉別林落新葉他枝待祇
此綠雲容四時恒不改山色與天光暎帶秀百倍鵲噪
棲亦安鶴瘦住何悔巢居宜付誰許由及大隗儻來而
亟去虛負將無乃

綠畦亭

山亭縱目見溪田
春冷鱗塍凍尚堅
待到暖融土脈潤
佈秧好茁綠芊芊

曠觀齋

山右精廬好
西山列檻前
林疎無夏葉
宇淨斂春煙
遊目夫何礙
暢懷真覺然
如云覽千古
亦復有芸編

石舫口號

凍合昆明未作波
翼然石舫近臨河
依稀似共主人語

青雀雖浮解奈何

清可軒

山陽迤邐至山陰幽篁巖軒所必到秀壁巍然鎮藏屋
疑吐煙雲出其竅綠苔錯繡冬不枯日月壺中有別照
研山筆牀已多事祇合忘言靜觀妙銷人循例綴綵檠
塗污斯哉策一笑

靜佳齋

孟春雖過半春意尚遙哉欲梯遲隄柳綻蕊惟盆梅攝

提貞普汎百昌斯胚胎芳菲會有時笑彼羯鼓催虛齋
真靜佳意洽衆妙該

袖嵐書屋

煙霞呼吸碧霄通即境每來致不同詎祇峯嵐襟袖裏
乾坤亦止寸心中

澹寧堂詠冰鏡

奩鏡呈堂背非銅却是青但逢臨以照不隱色分形觀
覺同心澈坐因覓句停波瀾曾弗藉真是澹而寧

雲繪軒即景

叢林疊巘蔚巖齋時有英英生砌階雖是浮空供繪趣
其同復雪要當佳

即事

山左河南與山右封章邇日報來連

山東河南均於正月望後連得瑞雪

隨融隨積自二三寸至四五寸不等節據兩撫臣奏報
山西省亦經鄂寶奏正月初旬各屬得雪並皆優渥

率於燈節之前後被以雪膏及陌阡何彼幸斯何闕若
一為慰復一慚然春雲早晚猶時作再霈翹思潤大田

詣

暢春園問

皇太后安遂進宮齋戒

燈節奉

行慶御園

駐旬餘節踰

返暢春斯恒

適起居景光何其速詢

安此晨趨卅五年一例邇來覺惜如春祈臨

右壇進宮肅齋予石衢廿里遙柳陌緩度輿土膏未融
動于耜猶待諸然希復雪心切切無能舒

齋居

齋居頗有暇亦不廢清吟漸永稀聞漏猶輕遠佈陰九
華罷翦綵雙麥徹懸金靜領盆梅馥灑然覺稱心

去聲

題錢維城五君子圖

松柏水仙梅與筠天然結契意相親比方君子斯多矣


獨想虞廷臣五人

詠痕都斯坦玉碗

有序

郵從西土蕊簇四面重臺碾出筠浮暈若兩旁抱
珥貢效秦蒙包匭來隨都護歸輶用是摛吟以代
紀實

截肪出秦冒製碗自痕都形色雙合相磨礪了似無葉
翻含蕾耳瓣發抱花趺通道恒來貢懷柔義塵吾



御製詩三集卷八十六

欽定四庫全書

集部

御製詩三集卷八十七

詳校官侍郎_臣謝墉

助教_臣常循覆勘

總校官原任中允_臣王燕緒

校對官中書_臣潘奕雋

謄錄監生_臣年焜

欽定四庫全書

御製詩三集卷八十七

古今體一百四十首

庚寅三

仲春朔日躬祭

社稷壇

曙色辨

壇松

祈春躬祭重五行欣值止

是日五行屬土

二月正興農爰稼繹

洪範主陰考秩宗年年承

福昨莫懈一心恭

張元士華山鳥道圖

憶我一再

辛未
丁丑

南巡時跋馬曾緣鳥道上崢嶸千丈造

其巔全吳形勢攬指掌後來雖復叩禪關

壬午
乙酉

山下騁

望徒言旋怯勞可見弗如昔奚稱不息能體乾適百里

半九十里於遊尚得云可耳畫圖省識足傳神然即因

斯知愧矣

仲春瀛臺

右社昨承祭明當御講筵宮中有餘暇西苑此周旋池
玉冰融水隄金柳搖去聲煙興心共農父舉趾可于田

題綺思樓

書樓每至起予思額語分明在
栢楣設使畧無闕德行
萬言成綺亦何裨

韻古堂

堂貯古鐫鐘因之名韻古古韻猶可聞
古道安能覩斯

民三代民誰歟司相輔自訟實艱行行之扞格賈知然而曉曉空言其奚補

蘭室

謝景滌乎楚左徒翩然來伴座之隅相看但使得蘭趣一缶寧於九畹殊

懷遠齋自警

書齋號懷遠懷遠義誠深詎惟暢遊目斯焉多惕心四海之極廣安民惡有臨百世之極遙裕昆凜難堪茲實

宵旰憂奚問山水音懷遠洵悠哉侑座聊自箴

補桐書屋戲題

新柯舊樹已枝齊突兀庭前葉未萎欲問草衣雙立者

桐畏寒北方冬季必收束其枝縛草護之可同齧缺與王倪

鑑古堂

選字題簷額無非藉自箴顧名在思義觸目每關心得
失鑑於古幾康慎匪今常因省度律敢曰恣遊臨

春及軒

冰融土亦酥
靄靄春將及
太昊斯啓節
蛺蝶動逮震
蟄西疇有事
農淵明語聞
習尋壑躬未能
于田心實急膏
雨其時乎倚軒
成小立

由液池東岸遂至悅心殿漫題三首

液池祇是一湖水
明季相沿三海分
好去聲為張大娛人

主仇士良言夙所聞

淑清

院名在瀛臺東北角

石逕出宮牆
東岸黃緣二里強
瓊島春

陰景正好遂登山
殿攬煙光

山殿宮堯號悅心
悅心得不易難
諶祈農勅政先
憂切
卅五年初勵至今

慶霄樓

巖巔切碧虛因迴構樓居
琳宇煙霞近祥鸞羽翼舒
子房堪比似弘景合相於
暫坐旋言去華哉祇愧予

靜憩軒

至靜無為無不為
文軒小憩偶因思
日來月往明生耳
言憩已成失靜時

漪瀾堂

冰酥非盡消液池波尚未拏床不可乘輕舟亦艱試山
陰有溪堂結構臨湖裔凍融總宜憑樂水緬彼智漪風
雖待時觀瀾恒此意

題道寧齋

太保良言題額曾警心觸目切來憑縱云樸斲非雕飾
細行寧為凜不矜

鄰山書屋

元時萬歲山明代瓊華島雖云九簣成久假如真好書
屋構山陰四鄰山翠抱既深欣始靜沖容而窈窕聊託
仁者樂遺跡何須考

蟠青室口號

屋裏青山駐今古窓前玉嶽異冬春因而悟得義經旨
尺蠖之求屈以伸

罨畫軒

畫意罨楣檐蕭疎正不嫌行看春欲發已喜日烘暹苔

紐青含暈柳稊黃動尖因之悟六法藻績始沉潛

張宗蒼仿董源萬木奇峯

峯若凌空墜木如倚巖扶驚看思邈措了識道為腴不

著寒村客何殊北苑圖江鄉般礴際

是圖乃宗蒼未入內廷時所畫獨

步實空吳

春仲經筵

儒臣廣殿共云云何異書齋此樂羣明物由行述虞舜

養賢以及玩周文

是日進講孟子由仁義行二句易兩願卦彖傳聖人養賢以及萬民句

行玉椀分茶味一對金鑪裊篆紋
勛在聞知致高大詎
惟典故取斯勤

漢玉穀壁

執自在姬周稱惟紀漢劉棘珍出匱
韞穀寶滿盤浮側

視邨分價

古玉壁但論其質美
豈以厚薄為重輕哉

負趨豈相

入聲
收用南
華語

陰思禹惜尺璧愧堯投

觀錢謙益初學集因題句

平生談節義兩姓事君王進退都無據
文章邨有光真

堪覆酒甕屢見詠香囊末路逃禪去原為孟八郎

禪宗以不

解真空妙有者為孟八郎

題陳淳花卉冊

杏

半是含苞半是開風流盡得別神裁不因嫩葉枝頭出
乍欲圖中認墨梅

桃

幾朵紅芳柳間去聲之絳綃織就縟金絲倩誰巧手試裁

翦紫燕飛來欲過遲

海棠

玉局金闕叩蓬萊尚憶人間小字來便是無香信何礙
癡哉聞說恨淵材

石榴

風來迎面是南薰訝看枝頭爛火雲作者不朱全用墨
移情解令見疑贗

百合

攢根瓣瓣芋同魁挺幹擎花一色開
設使有香異凡品祇宜分付陸游栽

百日紅

久榮遲謝莫須奇惆悵紅過百日時
塗污紫薇應不少名同物異更誰知

葵

傾葉向陽比忠赤又云不令照其根

見說文

審然則屬有

隱蔽豈是無欺應所存

芙蓉

木蓮花似水蓮色一例出塵徼露材應為

去聲

秋江嫌寂

寞却教倒暎幾枝開

菊

一枝風露態離披尤覺傳神淡寫宜比擬不須遠索古
淵明醉矣欲眠時

山櫟

斟酌穠纖墨染中便如葉綠與花紅山人自是擅神韻

那在區區肖似工

末句隳括陳
淳自識語

西直門外作

祈社經筵歲事皆御園返蹕謁

思齋柳街近覺黃薰杪麥壠遙看綠染荂因對曉陰望

勞眼見霏細霰盼盈懷

是日
微雪

六花大霈纔應慰設作春

霖當益佳

御園泛舟

七日復來冰已開黃頭六棹候河隈小遊沿俯逝波迂

却忖流陰似此哉

四面攬帷窗
朗鳴榔猶覺水風涼
無遮畫意皆詩趣
耐可隨時攬景光

雖是春冰酥弗堅
鑿開原祇可行船
平湖魚陟凍故在
不為怡然為憫然

題春可軒

東園乃希至至亦賞
溪堂近砌蕪鋪綠
圍隄柳宰黃
名禽弄笙管
新水滿池塘
可矣春光到
惜陰益不遑

披襟樓

幾架書樓傍碧池遠觀近俯總相宜
颯然風至披襟處宋玉微言有所思

味真書屋

曲轉迴廊處明窓淨几陳琴尊亦弗藉
翰墨雅相親汲古以時懋居今勉日新
詩書有真味知味定何人

瑩德堂

鏡欲去其垢水欲澄其翳瑩德顏斯堂
蓋取聖經意雖

然豈由外典誥皆言自祖述更有在山莊

義明示

避暑山莊亦有斯堂名皇祖御書也

再題清暉閣四景

松雲樓

牆外松喬牆裏稚綠雲
暎帶總淒淒一間樓據假山隩
合作窓前小景題

露香齋

花花草草灑曦光何所香
非露所香嗅復了知鼻根淨

六如如一概金剛

涵德書屋

仁義定名德虛位聖經則曰在明明優游涵養速成戒
亦貴尊聞勉力行

茹古堂

茹古非闕希博雅古來治亂在遺編春秋冬夏於焉對
月露風雲總合捐

詠痕都斯坦白玉盃

懿此嬰垣玉出惟踰次山色真勝霜雪器豈類釵環設

貢岐周際應陳琬琰間車磔定何物八斗費言艱

曹植有車

磔盃賦

風雨露月四聲詩仍各以題為韻

鴻鈞工甄陶吹噓為靈風揚塵豪誰當升蘋思無窮深
虞箕疇狂寧誇襄王雄絲桐奚能揮歌薰誠難同

右平聲

三時量農功所恃有好雨雲從龍施行水禱虎小補芳

菲花滋心嫵娜柳舞縷周書民嗟咨往往覩在暑

右平上聲

高辛傳堯年甕未罄瑞露求仙金盤癡賜吏翠殿誤凝
花珠光輝綴樹氣散布朝行防霑衣戒用慎進步

右平去聲

人間稱清華莫若綠玉月鈎形方腫臃壁魄忽出沒觀
莫知盈虛竊藥逸憲宰抽毫蟾光臨謚悅悉不歇

右平入聲

僧巨然層巖叢樹圖

迴巖疊樹蔚層層神與為遊韻與勝何事香光生別議

出藍偏許仲圭能

見董其昌
頓首識語

仲春遊玉泉山靜明園作

節前節後都無暇偷暇遊山忽仲春未必風光不笑我

可知作息鮮

上聲

由人欣看林木漸入古仍有亭臺畧耳

新偶至便歸覓句耳率成自訟自慚頻

題含暉堂

清曉出御園靜明隨亦到都無十里遙一例勅政要傳
宣引見官量材授職效豈以詠卷阿而忘董治劭軒堂
近園門東嚮含曦曜勵我心如之無私奉久照

清音齋放歌

清音在耳乎心不在焉聽弗辨清音在目乎心不在焉
視弗見然則清音宜在心將心與安古有諺色見聲求
總非真峯容泉韻未必幻如是清音音實清走筆書之
消刻半

分鑑曲

一曲湖光兩鑑分
靈源不凍澈
沄沄逢之左右都澄照
小矣德言託戚欣

題創得齋

山左穿溪曲平湖
又豁開有齋臨澹沲
無物惹塵埃
盆暖香霏階陽綠
到苔春光寧創得
歲歲逼人來

近青閣口號

一氣東皇信有靈
韶迴色色與形形
副名高閣宜遊目

澹沲林光已近青

含經堂

峯一起一伏岡一豁一蔽過岡別洞天書堂枕湖際堂
亦名含經枕肱勤吾意屢舉豈重儻箇中有真味獨是
少遇暇畧去旋迴蹕饜飫斯未能匆忙徒咎自宜付董
仲舒下帷以三歲

憩雲齋

六雲霈否每懷望乍喜鋪空曉日蔽分付春雲莫飛去

巖齋久憩正何妨

書畫舫

山陰亦有泉傍泉亦有室名之書畫舫一二二而一寧
因博古藏亦匪圖今逸書趣畫之情不謀而並出今歲
實初來來稀去乃疾無過倚虛窓忽忽供點筆綴景覺
已多是則吾之失

含醇室

巖廬誇樸不誇工茅土時猶想像中却是吾心增愧處

民風薄海豈胥同

題崇靄軒

朝嵐夕靄無定形祇以峯崇有奇狀由後山左過山右
在右之隩更西向鋪空白緜常映帶時或清悶時踈曠
以之興詠詠亦佳以之散襟襟實暢作者何人稱得宜
雲間士龍曾手抗

翠雲崇靄
陸雲句也

詠素堂

素而若可詠斯則素已非素而不可詠何華非素為素

固華之始華塵素之施青華而畧素吾謂非所宜精舍
倚石壁像鑿天人師如如復堂堂以無證證斯

涵漪齋

肩輿山後至山前憩坐書齋碧沼邊何以弗冰詎殊地
於斯恒水為去聲鄰泉恰宜嫩日為平聲輕照縱不微風亦
細漣便擬開舟尋別勝素牆補空去聲已成篇

樂景閣即景

彤閣碧湖繞去來祇舫通影翻無定色界示有真空那

說心如水却欣松下風分明新歲景舊句重去聲吟中

虛受堂

選字題楣逐處如會心觸目每吟諸今朝所得不為少
尤覺兩言親切予

題開錦齋

漾舟近西岸捨舟就陸路溪齋水之隈因便試散步簷
背疊層峯續以高低樹松柏故好在其餘葉未吐叶過
雲時尚遙慢懷工部句

賞遇樓

一徑龍蔥入古松重樓暢望據西峯今朝賞遇於何是
所願春雲佈漸濃

竹鑪山房

趵突春來壯石泉宜壺越椀潔陳前鶴林玉露有佳話
便拾松枝竹鼎燃

日飲原為玉泉水泉傍煎飲覺尤佳因之悟得人情耳
厭故喜新似此皆

華滋館得句

遊山率右旋館應首憩此今朝偶左旋館斯居末矣山
後及山前東西陸與水大畧觀以遍亦可言歸耳遇閏
氣方寒春事猶未起物華尚有待土滋脉融始蘊釀觀
化工擷芳勝紅紫

自玉河泛舟至昆明湖即景得句

出牆有舫候隄邊迤邐玉河棹向前流水無冰渟水凍
戶樞不朽理同然

界湖樓迴俯長川建閘高低資卽宣綴景詎因供遊賞
大都圖以灌溪田

穉榆帷暖水寒降大食玻璃亦置窓岸轉舟迴山改向
何殊攬景泛吳江

來往必經耕織圖耕夫織婦塵勤劬飼蠶浸種時雖早
此意寧當一刻無

隄界昆明西與東六橋如帶總舟通治經水閣夫何似
一朵芙蓉玉鏡中

畫舫乘來到石舫清漪園接靜明園於斯自問猶覺慙
何怪他人有後言

微雪

二月初六日

三日雲容釀五更雪點飄平明霏畧密著土化全消未
久曦光露無何風益驕殷勤惜且慙肯復諉時遙

文伯仁雪景

不改後凋松蓋綠猶餘獨出寺樓紅經營慘淡開生面
祇在天公玉戲中

漢王穀璧

幾千年復出乎土
斲絮非堅有良語
繡華蔚縟隱膺膺
粟粒已平紋尚覩
玉葆其光璧猶汝
若月不受吳剛斧
穆然久視湛於古

詠火井

義之廣異聞火井
欲具示未曾讀漢
書郡國志原備博

物稱投燭滅絕不
復熾

博物志云投以火燭不復燃

賦注家火投爛

然照天地

見蜀都賦注

一滅一云燃定論
終誰是千秋紀載

家孰能免耳食其實至今存所秉陰精氣火陽而根陰

離為見周易

叶

鑿井如置產恒引供烹飼

火井昔著於臨邛今則富

順山中尤盛居民每鑿一井即擅為恒產於井旁穿穴剗竹去節塗以鹽泥可引火供炊爨其竹不藝也亦

可用煮鹽鹽井則別異

就井列竈引火至竈中汲鹽井水煮之水一斛可得鹽數斗燃

以家火則少減火井深不過五六丈鹽井深二三十丈鹽井有水而火井則無其利均溥蜀有爭產

者事聞問以悉

叶

閱刑部議章蜀民有爭火井傷人議辟者未悉其制詢諸蜀人之仕於朝

者其言較載籍評理因誌詳究竟非奇事

所傳尤為明確

題居節松風石韻圖

層樓出樹朗牕開石韻松風靜自陪
分付奚僮啓門待
溪橋遙見客過平聲來

無逸齋

間日問

興居古齋退憩餘

貽謨恒憶

祖勅政每勤予旭暖苔烘砌風和竹靜
疏芸編雖滿架
此合讀周書

出暢春園門自隄上至泉宗廟禱詠

政務詳裁無逸齋餘閒未報午時牌出園一攬泉宗勝
減從何須法駕排

自南流水落鳴湍停注溪田凍尚寬未是靈臺推步舛
候遲因閏致春寒

泉出萬泉莊名原瀉北石橋惟勝說巴溝春明日下午胥差

記安得高粱有逆流

日下舊聞春明夢餘錄皆謂丹稜

稜汧雖不能確指為何地而巴溝橋之名尚存橋南為萬泉莊地既高於巴溝其水實自南而北安得由巴溝

逆流以入高梁乎高梁實源於玉泉匯為昆明湖
經長河南注與此何涉向為萬泉莊記曾詳辨之

靈源不凍玉泉同五里而遙莅梵宮頗有亭臺各綴景
遂教散步自西東

題挹源書屋

泉宗廟建萬泉源泉上挹源源試言寧獨赴川斯是本
應思出治孰司尊亦云勉耳皆能至詎曰卑之母甚論
書屋有書書可讀典謨要矣法明存

扇溥室

室以扇

去聲

為式扇

平聲

因取名取名固易耳副名豈易

能且即斯室言新樣非古營踵事日增華遠矣茅土情

弗戒而強詞詞佳何足稱去去不迴顧顧之慙愧生

曙觀樓得句

層閣出牆外暢宜拾級尋捲帷春望遠把筆靜思深暗

覺朝煙斂光含旭影臨賓王有佳句豈必定雲林

樓觀滄海

日駱賓王靈隱寺句也今為雲林寺

向綠軒

雖遲萬葉鎖青候已是千林向綠時半晌敞軒聊縱目
還欣一帶遠山披

主善堂

元者善之長春為元始資乘陽惟仲月育物正斯時培
養慎萌孽施行體執規義經及商訓並切可兼思

秀舉樓

砢砢假山聳勢崇冠峯閣可慶霄通如斯秀舉真秀舉
蕭緬惟應拜下風

樂清館有會

泉無冬常淙冰當春亦解草木雖遲榮風光斯已改東
皇發生意物物心中在豈必水石間而曰花柳待樂此
可怡神峭蒨饒瀟灑

輝淵榭

垠當巨石落清淙眉髮真堪數鏡中却憶泉林春坐處
小亭恰與此間同

泉林行宮八景有鏡瀾榭淙流環繞
臨以迴廊疏軒據川上得漪瀾之致

茲榭仿
佛似之

題依綠軒

春時已臨仲春色尚云遲有脚來當必無端盼匪宜書
城供靜憩理窟入研思庭際撫松架綠依應在斯

集遠堂

三架山堂窓納虛林光峯色展屏如寸田設論擴充處
集遠之言味有餘

自萬泉隄至聖化寺

萬泉左右總溪田田上長隄一縷連不似防川資保障

也因觀稼廬民天

地氣方酥凍未消
鱗冰積代泉澆便因迴路仍尋勝
聖化都無五里遙

近觀園苑柳絲黃
迤邐輕輿進苑墻
行漏泠泠未臨午
棄閒耐可到溪堂

溪堂高下列亭臺
各有名稱各義賅
設問今遊義何在
荅言乘興覓題來

含淳堂

有泉湖不凍臨水室如虛景未花和柳機叅鷺與魚道
觀形以上春對物之初永繹含淳自化民實在予

得真齋

有真斯有假假者真之對亦如色與空云空色斯在賤
假而貴真此見實俗輩乃更期其得牛馬風尤背然則
何名齋綴景稱聊逮

矚巖樓

溪面樓而更矚巖巖情溪態會來咸恰如明聖南屏側

舟住其間未挂帆

題敷嘉室

背屏併疊巘面鏡展平湖
弄影虛還實探芳有自無
倩誰稱下榻笑我愛操觚
即景評量處春嘉始欲敷

羃翠軒

新葉雖然未吐枝連林老
榦故猷池漫嫌曦影軒楹
漏會看重陰羃翠時

襟嵐書屋

是處雖假山如真因歲久書屋據山隩峯秀罨軒牖朝
嵐與暮靄彼授而此受攬之可盈襟把之若潤手然非
色及形會以空而有

詠硯墨

劉源者康熙初年間人也內府藏所製博古墨有
以硯為式者因題句

固因磨墨有陶泓硯也何來即墨卿新樣非闕誇手巧
別裁可識寓思精必偕出處猶為遠相忘

去聲

主賓莫與

爭聲應氣求求應在研

讀如研精之研

來合相祇天成

徐賁青林春色即用圖間題韻

一湖春水目為潔幾曲雲山意與深高士草亭倚欄興
應緣即景發清吟

飛泉樹杪落溪斜演漾青蒲與白沙看似惠山僧寺畔
憶曾竹鼎一烹茶

西直門外作

將奉

安輿啟蹕程吉行圖近近都城凍酥土脈纔迴潤春冷
麥芽未發萌雪過月餘空望切風嫌邇日太勤生朝來
雲氣英英吐目極遙天益繫情

題春耦齋

路便經西苑齋堂暫憩留晚雲看又散春景懶言遊節
緩花猶勒風搖柳始柔明知時可待近每切先憂

虛白室有會

品徑既曲折精室亦宛委入深心與澄得曠望因美虛

故白斯生白乃虛所以玩象離之中其明不外此可悟
南華言津逮實易旨

植秀軒

休誇鳳影與龍文雅稱

去聲

敲風而拂雲况是卉中君子

節可能培植不斯勤

畫舫齋

四壁圖書翰墨香怡情惟此足徜徉舟居莫漫笑無水
偶肖張融亦豈妨

文徵明燕山春色即用其韻

閱徵明詩中頗有思鄉之意故即用其韻反以嘲之

東華塵愛軟紅酣待詔金門衣脫藍
既憶江鄉蓴味好何來鵬翼此圖南

題痕都斯坦白玉盤

周尺將盈尺斯盤乃是盤幾曾掌玉府
見說衛都丸達

克山迤西至痕都斯坦團似月輪滿
薄於楮葉單截肪掌貨稅者皆謂之都丸

置其裏辨質信應難

恭奉

皇太后躬謁

東西兩陵遂至天津府允直隸臣民預慶

八旬是日登程即事成什

有序

暖融芳淀沽津紫滙以澄瀾豐衍黃圖衢野嬉遊
而擊壤溯前巡翕河效順勅增秩祀之經適新祠
相地鳩工恰屆落成之候時則甸民延頸壇吏陳

辭謂頻年慶洽

萱闈兆姓切臺萊之頌籲今春祝迎

鑾輅羣工展葵藿之忱用是俯體輿情預宣綸詔臚

歡扶

輦俾吾民藉以抒誠汜路清塵戒有司毋為增美乃復

敬承

懿旨恪舉彝章爰

躬謁乎

兩陵蔥鬱佑

萬年之壽遂吉涓於二月陽和敷九軌之春桃纈柳黃
纔過花朝韶麗波柔風惠更欣海國恬安用值曉
以遵途正協時而行慶載賡七字式紀首程

承

歡掖

輦日追隨養

志當遵

展敬思瑞氣

二陵垂護佑翼年

八袞啓期頤

鸞輿徐奉欣多豫

鳳舸旋登閱祝

釐此慶古來應少見肫予願見萬千斯

禮慈雲寺

寺在朝陽門外八里前臨石衢為城東臣刹乾隆

卷八十七
壬戌秋弗戒於火寮宇之僅存者久益頽侈戊子
春始命鼎新之俾復舊觀茲歲工踣途斯莅致辦
香以落焉爰成是什紀其事

路側花宮歷百年誰知不戒鬱攸延無頽廢卽有興建
非色空卽是定禪吉日落成因展禮好春隨喜小留連
須臾石陌驅車去隱隱鐘聲斷野煙

過通州

樹梢看塔影煙外過通州沙嶺延東亘潞河自北流浮

橋連巨鷁野岸起閒鷗發帑完城郭

各省城垣有應脩葺者特發帑五百

餘萬繕治之以資保衛通州為畿東首治工作先施茲則崇墉屹峙益臻壯觀矣

無非保障謀

煙郊行宮作

駐蹕午時前煙郊眄野煙松齋斯憩靜麥隴未融芊暮色來平楚春雲暗遠天壁題書丙戌瞥眼又三年

眺遠樓

臨墻此處有重樓縱目樓頭野景收茅屋林林總總者

安居都為

去聲

塵深謀

晚陰

傍晚春雲作暗隨，暝色沉為霖。安必爾便雪，豈妨今

今歲

節遲氣寒，地方解凍而麥未紐芽，即雪亦無礙也。

凭牖無他事，挑燈且試吟。忽

聽風勢盛，慙慙不舒心。

曉行四首

忽報濃陰忽稱霽，忽於枕上聽風傳。通宵不安寐，曉起羸得輕輕點玉田。

遠村看未大，分明圖早到。因趁曉行適百里，半九十里

悟為學即驗人情

曙光纔放旋

去聲

遮陰密灑瓊葩暗遠林時止時飄渾未

定益教翹望劇縈心

向東勢比迤西好竟積平田二寸皆一帶北山猶覺厚
田盤消息遞來佳

過三河縣

百雉不為大三河舊有名鄙哉論國害切矣塵民生謀
爾食衣計憐他親戴情玉田資潤澤況未麥芽萌

按左傳都城過百雉國之害也注云方丈曰堵三堵曰雉一雉之牆長三丈審如是則圍百雉不過一里有十之七之城即徑百雉亦不過方六里有十之八耳今三河縣城豈止圍百雉然為各縣之最小者於其中即屯兵聚糧亦豈足為害且治國之道自有典常豈關都邑之大小乎於此知左氏浮夸而不悉體要亦以見封建食邑之實非長策耳

白澗行宮即景

東來雪勢較強西積素欣看瓦隴齊庭際種松皆傳粉
階前步蘚欲成泥收將盈缶堪烹鼎望去彌郊遽舉犁
料得盤山最高處稜稜玉筍待吟題

過薊州

崇嶺後前映清川左右流地形殊覺秀文物故因休驛
路昔頻過郡城今重去聲脩花宮仍道側憩坐片時留

題桃花寺八景

湧晴雪

昨日雪霏今日晴積崖落瀑映晶明是真是幻是誰湧
擱筆於斯難置評

小九疊

疊石為巖湧凍泉亦資點綴亦天然數去聲稱以九誰真

數上聲象取飛龍合是乾

吟清籟

覆簷籠砌鬱青青吟籟恰當翠蹕停莫謂山齋久虛寂
最饒人是此恒聽

坐霄漢

下臨無地上鄰空呼吸欣堪顥氣通漫傲迴然出物表
還因返已惕居崇

雲外賞

虛窓攬景小俄延布帳瓊廬繪目前雲外賞聊值今日
回中幸豈是當年

滌襟泉

乳淙雲竇漑然清屬耳春來細有聲漱石枕流付誰是

祇宜高鳳與逢萌

點筆石

正正奇奇致不同
恰資點筆秀而雄
對來一晌生慙者
書法詩詞兩未工

繡雲壁

花未紅開葉遲綠
巖松積雪偶相宜
天孫機與工部筆
輸却言詩後素時

隆福寺行宮作

為奉

慈輿進因教宿頻多

往歲謁
歲奉

皇太后來恐
陵三宿即至此處今
慈體

過勞故多一宿頻
昨日增駐槐花寺

橋山知己近別館又經過松種龍鱗作帳支蝸舍羅三
年闊展謁一夜問如何

御製詩三集卷八十七